



# চট্টগ্রাম সিটি কর্পোরেশন

জনসংযোগ শাখা

চট্টগ্রাম।

প্রেস বিজ্ঞপ্তি

পতেঙ্গা কলেজ কাম সাইক্লোন শেল্টার উদ্বোধনকালে-- মেয়র

শিক্ষার উদ্দেশ্য হলো শুধু নিজে

প্রতিষ্ঠিত হওয়া নয়, সমাজকে দেয়া

চট্টগ্রাম- ২৫ সেপ্টেম্বর ২০১৮

চলতি অর্থ বছরে জাইকার অর্থ সহায়তায় প্রায় ২১ কোটি টাকা ব্যয়ে পতেঙ্গা সিটি কর্পোরেশন বালিকা উচ্চ বিদ্যালয় ও কলেজ কাম সাইক্লোন শেল্টার নতুন ভবন নির্মাণ শুরু হচ্ছে। প্রকল্পের আওতায় ছয় তলা বিশিষ্ট সংযুক্ত দুইটি ভবন নির্মাণের সকল কার্যক্রম সম্পন্ন হয়েছে। আগামী বছর ২৫ নভেম্বর ভবন দুইটির নির্মাণ কাজ শেষ করার মেয়াদ ধার্য করা হয়েছে। আজ মঙ্গলবার দুপুরে সিটি মেয়র আ জ ম নাছির উদ্দীন ভবন নির্মাণ কাজের ভিত্তি প্রস্তর স্থাপন কাজ উদ্বোধন করেন। এ ভবনের প্রতিটি ফ্লোরের আয়তন হবে প্রায় ১৪ হাজার বর্গফুট। প্রতি ভবনে ১৮টি ক্লাস রুম, স্কুল ও কলেজ উভয় পর্যায়ের জন্য শীততাপ নিয়ন্ত্রিত স্বতন্ত্র ফিজিক্স, কেমিস্ট্রি, বায়োলজী ও কম্পিউটার ল্যাব, ২টি লাইব্রেরী, ২টি মাল্টি পারপাস হলরুম, ৩টি গার্লস কমন রুম/ মেডিকেল রুম, ১টি অ্যাম্পিথিয়েটার, ২টি মিটিং রুম, ১টি লেকচার রুম, ২টি টিচারস রুম, ২টি টিচারস কমন রুম, ২টি প্রিন্সিপাল রুম, ২টি ফাস্ট এইড মেডিকেল রুম, ২টি স্টোর রুম, ২টি এ্যাডমিশন ও একাউন্ট সেকশন, ২টি ক্যান্টিন, ২টি অত্যাধুনিক লিফটের ব্যবস্থা রাখা হবে। প্রতিটি ফ্লোরে পুরুষ ও মহিলাদের জন্য আলাদা অত্যাধুনিক ওয়াশ রুমের ব্যবস্থা রয়েছে। এছাড়াও ভবন দুইটিতে রেইন ওয়াটার হারভেস্টিংয়ের ব্যবস্থা রাখা হয়েছে। ভিত্তি প্রস্তর স্থাপন উদ্বোধন উপলক্ষে আয়োজিত সমাবেশে সিটি মেয়র আ.জ.ম.নাছির উদ্দীন বলেছেন শিক্ষার প্রসারে দেশের অন্যান্য সিটি কর্পোরেশনের তুলনায় চট্টগ্রাম সিটি কর্পোরেশন বহুলাংশে এগিয়ে। শিক্ষাখাতে বড় অংকের ভূত্বক দিয়ে শিক্ষা কার্যক্রম পরিচালিত হচ্ছে। তাই এই কার্যক্রমের সফল প্রাপ্তির জন্য শিক্ষক-শিক্ষার্থী ও অভিভাবকদের সমন্বিত উদ্যোগ প্রয়োজন। তিনি আরো বলেন শিক্ষার উদ্দেশ্য হলো শুধু নিজে প্রতিষ্ঠিত হওয়া নয়, সমাজকে কিছু দেয়া, ব্যক্তি যতই শিক্ষিত বা বিত্তবান হোন না কেন, সামাজিক দায়বদ্ধতা বা সমাজ মঙ্গলে অবদান না থাকলে মৃত্যুর পর ঐ ব্যক্তি মুছে যান। তিনি এই প্রসঙ্গে বলেন চট্টগ্রাম শিক্ষা বিস্তারে অনেক শিক্ষানুরাগী দানশীল ব্যক্তির অবদান রয়েছে। তাদের দেয়া জমি ও অর্থে অনেক বড় বড় শিক্ষা প্রতিষ্ঠান মাথা উঁচু করে দাঁড়িয়ে আছে। এই সব শিক্ষানুরাগী দানশীল ব্যক্তি এ কারণেই মৃত্যুর পরও অমরত্ব লাভ করেছে। পতেঙ্গা উপকূলীয় এলাকার শিক্ষার্থীদের উচ্চশিক্ষা অর্জন সহজলভ্য করার জন্য তিনি ঘোষণা দেন যে, এই স্কুল এন্ড কলেজকে বিশ্ববিদ্যালয়ে উত্তীর্ণ করা হবে। তখন এই শিক্ষা প্রতিষ্ঠানটি নগরীর উপকূলীয় অঞ্চলের অন্যতম প্রধান বিদ্যাপীঠে পরিণত হবে। বর্তমানে কলেজ পর্যায়ে ডিগ্রি পর্যন্ত অধ্যয়নের ব্যবস্থা রয়েছে। আগামীতে এখানে একাউন্টিং, ম্যানেজমেন্ট ও ইংরেজী বিষয়ে অনার্স কোর্স চালুর ব্যাপারে প্রক্রিয়া চলছে বলে তিনি উল্লেখ করেন। এই উদ্যোগে মেয়র এলাকার শিক্ষানুরাগী দানশীল ব্যক্তিদের এগিয়ে আসার আহবান জানান। তিনি ওয়ার্ডের উন্নয়ন প্রসঙ্গে বলেন, আমার দায়িত্ব গ্রহণের তিন বছরের মধ্যে এই ৪০ নং উত্তর পতেঙ্গা ওয়ার্ডে প্রায় ৬৪ কোটি ৭৫ লাখ টাকার উন্নয়ন কার্যক্রম বাস্তবায়িত হয়েছে। এর মধ্যে কয়েকটি প্রকল্প কাজ চলমান রয়েছে। ২০১৬-১৭ অর্থ বছরে ১২ কোটি ৬৩ লাখ টাকা, ২০১৭-১৮ অর্থ বছরে ২১ কোটি ৫১ লাখ টাকা এবং চলতি অর্থ বছরে ৩০ কোটি ৬০ লাখ টাকার উন্নয়ন কাজ বাস্তবায়ন করা হচ্ছে। যা বিগত ৩০ বছরের রেকর্ড ছাড়িয়ে গেছে। ওয়ার্ড কাউন্সিলর জয়নাল আবেদীনের সভাপতিত্বে সমাবেশে অন্যান্যদের মধ্যে কাউন্সিলর ছালেহ আহমদ চৌধুরী, জিয়াউল হক সুমন, সংরক্ষিত ওয়ার্ড কাউন্সিলর শাহানুর বেগম, চসিক প্রধান প্রকৌশলী লে.কর্ণেল মহিউদ্দিন আহমেদ, বিদ্যালয় পরিচালনা পর্যদ প্রতিষ্ঠাতা সদস্য ইঞ্জিনিয়ার মো. ইছহাক, জাকির আহম্মদ, হাজী আবুল বশর, হাজী ওমর ফারুক, কলেজ অধ্যক্ষ ইছমত আরা ও বিদ্যালয় প্রধান শিক্ষক মিলন আচার্য প্রমুখ বক্তব্য রাখেন। মঞ্চে চসিক তত্ত্বাবধায়ক প্রকৌশলী আবু ছালেহ, নির্বাহী প্রকৌশলী অসীম বড়ুয়া, হাজী সাহাদাত হাসান, রোটারিয়ান মো. ইলিয়াছ, মো. জাবেদ, মো. ফরিদ, মো. সেলিম, ওয়াহিদ চৌধুরী উপস্থিত ছিলেন।

## সিটি মেয়র এর সাথে গার্হস্থ্য অর্থনীতি কলেজের শিক্ষকবৃন্দের সৌজন্য সাক্ষাত

চট্টগ্রাম- ২৫ সেপ্টেম্বর ২০১৮

আজ মঙ্গলবার বিকেলে নগর ভবনে মেয়র দপ্তরে চট্টগ্রাম মহানগরীর হালিশহর থানাধীন গার্হস্থ্য অর্থনীতি কলেজকে মাধ্যমিক ও উচ্চ মাধ্যমিক শিক্ষা বোর্ড চট্টগ্রামের সুপারিশক্রমে এবং গণপ্রজাতন্ত্রী বাংলাদেশ সরকারের শিক্ষা মন্ত্রণালয়ের সম্মতিতে চট্টগ্রাম সিটি কর্পোরেশনের অধিভুক্ত করায় অধ্যক্ষ আলম আকতারের নেতৃত্বে কলেজের শিক্ষকবৃন্দ সিটি মেয়র আ জ ম নাছির উদ্দীনের সাথে সৌজন্য সাক্ষাত করেন এবং ফুলেল শুভেচ্ছা ও অভিনন্দন জানান। এ সময় কলেজের সহকারী অধ্যাপক মো. ওসমান গনি, কাজী মোহাম্মদ সাহেদ হাসান, মনোয়ারা বেগম, প্রভাষক মোবারকা খানম, নাজনিন লতিফ, তাহমিনা খন্দকার, মোছাম্মৎ লায়লা আক্তার, আলেয়া ফেরদৌসী, সুলতানা নিগার রহমান, সবিতা কুরী, রেহেনা পারভীন শিউলী, কামরুন নাহার, সুলতানা রাজিয়া, তানজিনা নুর, শরীরচর্চা শিক্ষক, রেজিয়া বেগমসহ অন্যরা উপস্থিত ছিলেন।

সৌজন্য সাক্ষাতে মেয়র আ জ ম নাছির উদ্দীন বলেন, চট্টগ্রাম নগরীতে সরকারি শিক্ষা প্রতিষ্ঠান কম। তাই নগরবাসীর সন্তানদের শিক্ষার আলোয় আলোকিত করার জন্য চট্টগ্রাম সিটি কর্পোরেশন প্রতিবছর শিক্ষাখাতে ৪৩ কোটি টাকা ভর্তুকি দিচ্ছে। তিনি শিক্ষকদের আন্তরিকতার সহিত শিক্ষার্থীদের পাঠদানের পাশাপাশি প্রতিদিন নীতি-নৈতিকতা ও মূল্যবোধ সম্পর্কিত আলোচনার আহ্বান জানান।

### জন্ম-মৃত্যু নিবন্ধন বিষয় এক কর্মশালা অনুষ্ঠিত

চট্টগ্রাম- ২৫ সেপ্টেম্বর ২০১৮

আজ মঙ্গলবার সকালে সিটি কর্পোরেশন সম্মেলন কক্ষে জন্ম-মৃত্যু নিবন্ধন বিষয় এক কর্মশালা চসিক প্রধান নির্বাহী কর্মকর্তা মো. সামসুদ্দোহা এর সভাপতিত্বে অনুষ্ঠিত হয়। সভায় চট্টগ্রাম সিটি কর্পোরেশনের প্যানেল মেয়র কাউন্সিলর চৌধুরী হাসান মাহমুদ হাসনী প্রধান অতিথি হিসেবে উপস্থিত ছিলেন। এ সভায় চসিক স্বাস্থ্য শিক্ষা স্ট্যান্ডিং কমিটির চেয়ারম্যান ও কাউন্সিলর নাজমুল হক ডিউক, কাউন্সিলর হাসান মুরাদ বিপ্লব, তৌফিক আহমদ চৌধুরী, মো. ইয়াছিন চৌধুরী আশু, সংরক্ষিত ওয়ার্ড কাউন্সিলর আঞ্জুমান আরা বেগম, ফারজানা পারভীন, আফরোজা কালাম এবং স্থানীয় সরকার চট্টগ্রামের উপ পরিচালক ইয়াছমিন পারভীন খিবরিজি, সিভিল সার্জন চট্টগ্রাম ডা. আজিজুর রহমান, সচিব মোহাম্মদ আবুল হোসেন, ডা. সেলিম আকতার চৌধুরী, ডা. মোহাম্মদ আলী, ইউনিসেফ ফিল্ড অফিসার রমিজ দেবু ধর, শিশু সুরক্ষা কর্মকর্তা ফ্লোরা জেসমিন দীপা ও প্রধান নগর পরিকল্পনাবিদ এ কে এম রেজাউল করিম প্রমুখ উপস্থিত ছিলেন। সভায় শিশু জন্মের ৪৫ দিনের মধ্যে বিনা ফিতে জন্ম-নিবন্ধন প্রক্রিয়া সম্পন্ন করার ক্ষেত্রে চট্টগ্রাম সিটি কর্পোরেশনের মাঠ পর্যায়ে স্বাস্থ্য ও ইপিআই কর্মীরা শিশুর প্রথম টিকা প্রদানের সময় অবশ্যই শিশু জন্ম নিবন্ধন হয় তা নিশ্চিত করবে বলে এ সিদ্ধান্ত গৃহীত হয়।

সংবাদদাতা

রফিকুল ইসলাম

জনসংযোগ কর্মকর্তা

চট্টগ্রাম সিটি কর্পোরেশন